

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-28904/25
Sarajevo, 23.2.2026. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, br. 39/14 i 59/22 i 50/24) i člana 23. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU O PONIŠTENJU POSTUPKA JAVNE NABAVKE

I

Poništva se postupak javne nabavke - Izvođenje radova na izgradnji centralnog trga na Dobrinji, broj obavještenja 422-1-3-220-3-289/25 objavljeno na Portalu javnih nabavki dana 25.12.2025. godine i ispravka za obavještenje o nabavci broj 422-1-3-220-8-7/26 od 06.01.2026. godine, i u „Službenom glasniku BiH- Oglasnik javne nabavke“, br. 1/26 od 09.01.2026. godine, obzirom da dostavljena ponuda nije prihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba istovremeno sa dostavljanjem ponuđaču koji je učestvovao u postupku, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-28904/25 od 24.12.2026. godine Općina Novi Grad Sarajevo pokrenula je postupak javne nabavke - Izvođenje radova na izgradnji centralnog trga na Dobrinji, broj obavještenja 422-1-3-220-3-289/25 objavljeno na Portalu javnih nabavki dana 25.12.2025. godine i ispravka za obavještenje o nabavci broj 422-1-3-220-8-7/26 od 06.01.2026. godine, i u „Službenom glasniku BiH- Oglasnik javne nabavke“, br. 1/26 od 09.01.2026. godine. Procijenjena vrijednost za predmetnu nabavku iznosi 2.724.832,49 KM bez PDV-a, odnosno 3.188.054,01 KM sa PDV-om.

Zapisnikom o otvaranju ponuda od 26.1.2026. godine Komisija je konstatovala da je u predviđenom roku, u propisno upakovanoj koverti, pristigla jedna (1) ponuda ponuđača: Unigradnja d.d. Sarajevo sa ponudnom cijenom za ugovor u iznosu od 2.723.679,38 KM bez PDV-a. Zapisnik sa otvaranja ponuda dostavljen je ponuđaču na fax/e-mail u zakonom predviđenom roku.

Nakon što je Komisija utvrdila da je blagovremeno pristigla jedna ponuda, Komisija je pristupila analizi i ocjeni ponude u skladu sa uslovima iz tenderske dokumentacije. Komisija je konstatovala da ponuda ponuđača „Unigradnja“ d.d. Sarajevo ne ispunjava uslov iz tačke 3.4.1. b) tenderske dokumentacije: „3.4.1. Što se tiče tehničke i profesionalne sposobnosti, u skladu sa članom 48. i 51. Zakona, ponuda će biti odbačena ako ponuđač ne ispunji slijedeći minimalni uslov, a to je: b) da je jedno lice VSS - građevinske ili arhitektonske struke u radnom odnosu na neodređeno vrijeme zaposleno kod ponuđača sa položenim stručnim ispitom i radnim iskustvom od najmanje 5 godina. Navedeno se dokazuje tačkom 3.4.2. b) i c) tenderske dokumentacije:

Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke, sa datumom izdavanja koji nije stariji od 30 dana računajući od dana utvrđenog kao krajnji rok za predaju ponuda; (original ili ovjerena kopija)

Dokaz o stručnoj spremi, položenom stručnom ispitu i radnom iskustvom za jednog VSS diplomiranog inženjera - građevinske ili arhitektonske struke iz tačke b. (original ili ovjerena kopija). Na stranicama 75-77 ponude ponuđač je dostavio dokaz izdat od Porezne uprave FBiH od 26.12.2025. godine i na stranicama 114-120 ponude dokaz izdat od PIO/MIO od 24.12.2025. godine. Obzirom da je kao krajnji rok za predaju ponuda i otvaranje ponuda određen dan 26.1.2026. godine, jasno je da su dostavljeni dokazi stariji od 30 dana računajući od dana utvrđenog kao krajnji rok za predaju ponuda. Na stranici 123. ponude dostavljena je potvrda o radnom iskustvu broj 01-23-5/26 od 20.01.2026. godine izdata od Unigradnja d.d. Sarajevo za Arnaut Almu - magistar građevinarstva - dipl.ing. građevinarstva sa ukupnim radnim iskustvom od 9 godina i 10 mjeseci. Predmetna potvrda nije prihvatljiva jer u istoj nije navedeno gdje je imenovana stekla radno iskustvo, odnosno da li je zaposlena/angažovana 5 ili više godina u privrednom društvu "Unigradnja" d.d. Sarajevo koje je izdavalac potvrde, niti se to može zaključiti iz druge dokumentacije dostavljene u ponudi obzirom da je u Uvjeranju Porezne uprave FBiH i PIO/MIO navedeno da je datum osiguranja imenovane od 01.7.2024. godine, a što je manje od 5 godina i suprotno navodima potvrde obzirom da se u istoj ne navode eventualne promjene u statusu osiguranja imenovane. Izdavalac potvrde može izdavati potvrdu o evidencijama koje vodi, odnosno o radnom iskustvu koje je imenovana ostvarila kod izdavaoca potvrde, a ne o radnom iskustvu koje je ostvareno kod drugog poslodavca.

Iz naprijed navedenog razloga utvrđeno je da ponuda ponuđača Unigradnja d.d. Sarajevo ne ispunjava uslove tražene u tenderskoj dokumentaciji iz tačke 3.4.1. (b) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Na osnovu navedenog u skladu sa odredbom člana 69. stav (2) tačka d) Zakona o javnim nabavkama odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od objave Odluke o poništenju postupka. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Komisiji za javne nabavke radova
2. Ponuđačima u postupku
3. U spis

